

aole alii ma kekahi aupuni, haunaele mau no. Alaila i mai la kela, "he like wale no na ano o ke kanaka, aole wahi like ole." Ae aku la au, ae, he like ma kekahi mau ano, a ma kekahi, aole like loa. No ka mea, a kekahi kanaka i hanau mai, ua haawi ia mai ia ia ka lohe, a me ka ike, a me ke kino maikai. A o kekahi, ua hanau mai oia mai ka opu mai o kona makuwahine, he aa, he oopa. Alaila i mai la kela, "na ke kanaka ia i hana, he kuli la;" alaila i aku la au, aole e hiki i kekahi kanaka ke hana i ke kanaka a hoohanau mai he kuli; I mai la kela, "hiki no, aia no ke kii ma kahi o Papio, he kanaka no ia, ua hana ia e ka lima." Alaila i aku la au ia ia, he hohonu loa kou naupou. Alaila, i mai la kela, "o oe ke kanaka naupou loa." Alaila i aku la au ia ia, e nane aku au i ka'u mau nane ia oe, aole nae e hiki ia oe e hai mai; I mai no kela, "hea wale no ia ia'u." Alaila ninau aku la au ia ia, chia mile mai ka honua aku a i ka mahina? alaila, "i mai la kela, e pii oe e ana i ka loa a hai mai," haawi hou aku no au ia ia i kekahi ninau hou, chia niho no na bipi 1000, ina paha he 32 niho, no ka bipi hookahi. I mai la no kela, "hookahi no niho o ka bipi, he niho keokeo wale no; aole he ulaula, aole he elele," alaila, i aku au, e pono anei ke kuli ia kou mau niho a pau, a koe hookahi, e wahi anei kau ai? ae mai no kela, "ae no."

A mahope iho hai mai la kekahi ia'u, "he Farani kela no ka aoao pope, o Davida kona inoa ma ka patema ana," alaila pau koke ko'u kamailio, no ka mea, ua nui loa mai ka lehulehu, aole no hoi e hiki ke kamailio aku, no ka mea, ua wawa ia, o ka pope he poe hoole kana-

wai, a he poe hoohuli i na noho alii, nolaila ua ku pono keia wanana i ua Davida nei, ka mea hoole i ka pono o ka noho alii ana.

Aloha oe e Davida, e holo oe i Roma, malaila e uu ai i he ahua wa a hoi mai hoka.

Na'u na J. H. PAHEWA.

HE KANIKAU NO ABENERA KAHEKILI KEKAHI ALII O KEIA PAE AINA I MAKE AKU NEI.

- 1 O ke ano aloha o Liawahine.
O ka maka aloha o Hikuanaka.
O ke kino oioio o ka lapu loku.
I moe nomanouea me Hikuiakapua.
I luna o ke opu hiwa a Kane.
I loko o ke kapa nuiuku a Lono oe--
He leo keia e mapu nei.
E ano nei i ke kahakani.
O ka maka aloha o kuu makuakane.
I waleh i ka ni kihamu puna nui.
Uhaue nunukai o Ulukea oe--
Hoakua ka lokoio oia lu-lu-ia-oe-e-
- 2 Mehameha iu ka hele a ke aloha.
Ka pee'na ku nei nanowale.
Hele i Kuahachae ka hele ana.
I paepae leo me Kupinai.
Me ua hou hui wale i ka mahelo.
Hahawai ae la me Anowahine.
Me ka wahine i ka iukapu o mua oe--
Eia au la i ka lipo.
I wale au i ke kuli puna.
Lihilo ai maua i ka mahelo.
He kamaniua no ka ua waahila.
Uhaue pepeeua Kukalahale oe--
Oe wale mai ana no ka manao.
Aole i hoike mai i ka maka he alo-ha-ia-oe-e-
- 3 Hachae wale na maka e maolilei.
Ka nawa ana'ku la i Hikua.
O olua ua kau makani.
He nka he kino wailua.
Ku'u i ike e maalo ana i ke aka wai liu la
O kuu kane makani moae.
Noho ana kulu la o Puhua oe--
O oe ka i makahuna i Kuiahuahi.
E uhai ana i ka ua puuanae.
I noho malihini aku i Palehala.
I o maua hala i Huena.
Uhaue nana makani kau a lialia oe--
Alia oe e ke aloha e koi nei.
E lualele nei i kuu kiao.
O kuu malihini iho la ka waina-ka-ia-oe-e-